

ATODLEN 6

LESOEDD

RHAN 5

CYFRIFO'R DRETH SYDD I'W CHODI

Cyfraddau treth a bandiau treth: elfen rhent lesioedd amhreswyl a lesioedd cymysg

- 28 (1) Rhaid i Weinidogion Cymru drwy reoliadau bennu'r bandiau treth a'r cyfraddau treth canrannol ar gyfer pob band sy'n gymwys i gydnabyddiaeth drethadwy sydd ar ffurf rhent mewn achosion o gaffael les amhreswyl neu les gymysg.
- (2) Rhaid i reoliadau o dan is-baragraff (1) bennu—
- band treth y mae'r gyfradd dreth gymwys ar ei gyfer yn 0% ("band cyfradd sero LA"),
 - dau fand treth neu ragor uwchlaw'r band cyfradd sero LA,
 - y gyfradd dreth ar gyfer pob band uwchlaw'r band cyfradd sero LA fel bod y gyfradd ar gyfer pob band yn uwch na'r gyfradd ar gyfer y band oddi tano, a
 - dyddiad y mae'r bandiau treth a'r cyfraddau treth yn gymwys mewn perthynas â thrafodiadau sy'n cael effaith ar y dyddiad hwnnw neu ar ôl y dyddiad hwnnw.
- (3) Caiff rheoliadau o dan is-baragraff (1) bennu—
- bandiau treth a chyfraddau treth gwahanol mewn cysylltiad â gwahanol gategoriâu o gaffael les amhreswyl neu les gymysg;
 - dyddiadau gwahanol o dan is-baragraff (2)(d) mewn cysylltiad â phob band treth penodedig neu gyfradd dreth benodedig.